



Broj: 637/17
Sarajevo, 09.11.2017. godine

Bosna i Hercegovina
Federacija Bosne i Hercegovine
Kanton Sarajevo
Kantonalna uprava za inspeksijske poslove
Inspektorat rada, zaštite na radu i socijalne zaštite

71000 S A R A J E V O
Aleja Bosne Srebrene bb

PREDMET: HITAN inspeksijski nadzor, traži se

Poštovani,

Na osnovu člana 162. stav 2. Zakona o radu („Službene novine Federacije BiH“ broj: 26/16) i člana 30. stav 1. Zakona o inspekcijama Kantona Sarajevo („Službene novine Kantona Sarajevo“, broj: 2/17), tražimo da izvršite HITAN inspeksijski nadzor nad primjenom Zakona o radu na okolnosti zakonitosti rada i postupanja Vlade Kantona Sarajevo, Ministarstva zdravstva Kantona Sarajevo i Sindikata doktora medicine i stomatologije Kantona Sarajevo u pogledu postupanja po odredbama Zakona o radu kojima su regulisani kolektivni ugovori, a posebno na okolnosti da li su zakonito povećani koeficijenti samo jednoj kategoriji radnika u djelatnosti zdravstva, tj. samo doktorima opće prakse i specijalistima dok su radnicima svih ostalih zanimanja koeficijenti ostali neizmjenjeni, te da li je pravljjenjem takvih razlika postupljeno suprotno odredbama Zakona o radu o zabrani diskriminacije. Također, tražimo da izvršite i nadzor na okolnost da li je u skladu sa Zakonom o radu i drugim pozitivnim propisima zakonito postojanje dva kolektivna ugovora za jednu djelatnost, te da li je postupak kolektivnog pregovaranja sa Sindikatom doktora medicine i stomatologije Kantona Sarajevo obavljen shodno odredbama Zakona o radu, odnosno po propisanoj proceduri.

Naime, Sindikat radnika u zdravstvu u Kantonu Sarajevo je sa Vladom Kantona Sarajevo potpisao Kolektivni ugovor o pravima i obavezama poslodavaca i radnika u oblasti zdravstva za područje Kantona Sarajevo 03.11.2017. godine. Pet dana nakon toga, tj. 08.11.2017. godine Vlada Kantona Sarajevo je sa Sindikatom doktora medicine i stomatologije Kantona Sarajevo potpisala Kolektivni ugovor o pravima i obavezama poslodavaca i radnika u djelatnosti doktora medicine i stomatologije na teritoriji Kantona Sarajevo.

Mišljenja smo da posebnim zakonima nije propisana zaštita određenih kategorija radnika, u konkretnom slučaju doktora, te da je diskriminatorski da se samo radnicima jednog zanimanja uvećaju koeficijenti složenosti poslova i na taj način im se plaća poveća duplo u odnosu na radnike drugih zanimanja u istoj djelatnosti. Također, mišljenja smo da je Kolektivni ugovor o pravima i obavezama poslodavaca i radnika u djelatnosti doktora medicine i stomatologije na teritoriji